



Халқ сўзи

Ўзбекистон –
келажаги
буюк
давлат

2024 йил — ЁШЛАР ВА БИЗНЕСНИ ҚЎЛЛАБ-ҚУВВАТЛАШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2024 йил 1 сентябрь, № 179 (8802)

Якшанба

Сайтимизга ўтиш учун QR-кодини телефонингиз орқали сканер қилинг.



БИР БЎЛСАК — ЯГОНА ХАЛҚМИЗ, БИРЛАШСАК — ВАТАНМИЗ!

«Янги Ўзбекистон» боғида мамлакатимиз мустақиллигининг ўттиз уч йиллигига бағишлаб ўтказилган байрам тантаналаридан репортаж.



Президентимиз Шавкат Мирзиёевнинг 2024 йил 18 июлдаги «Ўзбекистон Республикаси давлат мустақиллигининг ўттиз уч йиллик байрамига тайёргарлик кўриш ва уни ўтказиш тўғрисида»ги қарорига мувофиқ бу йил энг улуғ,

энг азиз байрамимиз «Бир бўлсак — ягона халқмиз, бирлашсак — Ватанмиз!» деган эзгу шior остида нишонланмоқда.

Айни кунларда мамлакатимизнинг барча худуди — маҳаллау гузарлар, боғу хиёбонлар,

кўчалар, хонадонларда, ҳар бир қалбда байрам шуқуи кезмоқда.

2024 йил, 31 август. Мамлакатимиз мустақиллигининг 33 йиллигига бағишланган асосий тантаналар «Янги Ўзбекистон» боғида бўлиб ўтди.



Сўлим ва муаззам масканда Ўзбекистон Республикаси Олий Мажлиси Сенати аъзолари, Қонунчилик палатаси депутатлари, фан, маданият ва санъат намояндалари, ишлаб чиқариш илғорлари, мамлакатимизда фаолият юритаёт-

ган хорижий давлатлар элчихоналари ҳамда халқаро ташкилотлар вакиллари, нуруний отахону онахонлар, ёшлар жам бўлган.

Ўзбекистон Республикаси Президенти
Матбуот хизмати суратлари.

ПРЕЗИДЕНТ ШАВКАТ МИРЗИЁЕВНИНГ ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ УЧ ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, қадрли ватандошлар!

Мухтарам меҳмонлар!

Хонимлар ва жаноблар!

Сиз, азизларни, кўп миллатли халқимизни бугунги улуғ айём билан чин қалбимдан табриклаб, барчангизга ўзининг юксак ҳурматим, эзгу тилакларимни изҳор этишдан бахтиёрман.

Мустақиллик байрами барчамизга муборак бўлсин!

Қадрли дўстлар!

Мана шу ҳаяжонли дақиқаларда ҳаммамиз миллий истиклолимиз нақадар бебаҳо неъмат эканини, унинг тарихий аҳамиятини янада чуқур ҳис этмоқдамиз.

Айнан мустақиллик туфайли миллий давлатчилигимиз қайта тикланди. Ўзбекистон янги тарихий даврга қадам қўйди. Айнан истиклол туфайли Жаҳон ҳамжамиятидан муносиб ўрин эгалладик.

Бу билан ҳар қанча фахрлансак, гурурлансак арзийди.

Шундай қўтлуғ кунда Ўзбекистон мустақиллиги учун курашган ватанпарвар аждодларимиз хотирасини миннатдорлик билан ёдга олишимиз табиий, албатта.

Улар — ўз халқини тараққиёт сари бошлаган жадид боболаримиз, миллий озодлик йўлида жон фидо этган улуғ аждодларимиздир. Улар — ғоят оғир шароитда ҳам миллий истиклол ва ҳурият гояларига содиқ қолган қаҳрамонларимиздир. Бугун уларнинг эзгу гоя ва тамойилларига таяниб, янги ҳаёт, янги жамият пойдеворини яратмоқдамиз.

Бу фидойи зотларнинг номларини ҳеч қачон унутмаймиз!

Уларнинг хотираси қалбимизда, юрагимизда ҳамisha ашайди!

Хурматли байрам иштирокчилари!

Кейинги йилларда Янги Ўзбекистон-

ни барпо этиш йўлида улкан қадамлар қўйдик. Ҳар бир ишимиз, ҳар бир ютуғимизда истиклолнинг буюк қудрати ёрқин намоён бўлмоқда.

Ватанимиз дунёга, дунё эса юртимизга кенг очилмоқда. Минтақамиз ва бутун жаҳонда дўстларимиз, ҳамкорларимиз кўпаймоқда.

Сўнгги 7 йилда Ўзбекистон ташаббуслари асосида Бирлашган Миллатлар Ташкилоти Бош Ассамблеяси томонидан 10 дан зиёд, жумладан, жорий йилда 4 та махсус резолюция қабул қилинди.

Жаҳон банки бу йил мамлакатимиз ялпи ички маҳсулоти 5,3 фоизга ўсишини прогноз қилди. Кўплаб давлатлар билан солиштирганда бу анча юқори кўрсаткичдир. Халқаро валюта жамғармаси эътироф этганидек, 2023 йилда ялпи ички маҳсулотимиз илк бор 100 миллиард доллардан ошди.



Ўзбекистон Республикаси Президентининг ФАРМОНИ

Ш. НОРИЕВАГА «ЎЗБЕКИСТОН РЕСПУБЛИКАСИДА ХИЗМАТ КЎРСАТГАН ТАДБИРКОР» ФАХРИЙ УНВОННИ БЕРИШ ТЎҒРИСИДА

Мамлакатимизда тадбиркорлик ҳаракатини янги босқичга кўтаришда ўзининг ватанпарварлик, ишбилармонлик ва ташаббускорлик фазилатларини яққол намоён этиб, кўплаб истикболли лойиҳаларни муваффақиятли амалга ошириб келаётгани, хусусан, богдорчилик, кўчатчилик ва гулчилик тармоқларини илғор тажриба ва инновацион усуллар асосида ривожлантириш, худудда томорқачиликни кенг тарғиб қилиш, иш ўринларини яратиш, аҳоли даромадларини ошириш ва фаровонлигини юксалтириш, ижтимоий масалаларни ечишда алоҳида фаоллик кўрсатаётгани, ёшларни Ватанга муҳаббат ва садоқат руҳида, меҳнатсевар ва ши-

жоатли инсонлар этиб тарбиялаш йўлидаги ибратли ишлари учун Жиззах вилояти Шароф Рашидов туманидаги «Гулчи опа томорқа хизмати» кластери раҳбари Нориева Шарофат Эргашевнага «Ўзбекистон Республикасида хизмат кўрсатган тадбиркор» фахрий унвони берилсин.

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2024 йил 31 август

ЭНГ КАТТА МАКТАБ, ЭНГ КАТТА ТАРБИЯ – ТАРИХНИНГ ЎЗИ

31 август — Қатагон қурбонларини ёд этиш куни. Шу муносабат билан Шаҳидлар хотираси хиёбонида давлат ва жамоат ташкилотлари вакиллари, нурунийлар, зиёлилар йиғилди.

Маросимда Президент Шавкат Мирзиёев иштирок этди. Аждодлар ҳақида Қуръон тиловат қилинди. Элга ош тортилди. Бу маросим Мустақиллик байрами

билан ҳамоҳанг ўтиши, миллат оидинлари ёдга олинишидан кўнгул энтиқади. Бу Ватанга фидойилик йиллар ўтса-да қадрланиши, ҳеч бир эзгу иш изсиз кетмаслигини англатади.

Хиёбондаги рамзий қабр ёнида ҳам Қуръон тиловат қилинди. Тарихий ҳақиқатни тиклаш, ёшларни шу руҳда тарбиялаш ҳақида мулоқот бўлди.



ХОРИЖИЙ ЕТАКЧИЛАРДАН ЎЗБЕКИСТОННИНГ МУСТАҚИЛЛИК БАЙРАМИ МУНОСАБАТИ БИЛАН ТАБРИКЛАР

Мамлакатимиз мустақиллигининг 33 йиллиги муносабати билан Ўзбекистон Республикаси Президенти Шавкат Мирзиёев номига хорижий давлатлар, парламентлар ва ҳукуматлар, нуфузли халқаро институтлар ва минтақавий ташкилотлар, етакчи корпорация ва компаниялар раҳбарларидан, таниқли

сиёсат, жамоат ва дин арбобларидан самимий табриклар келмоқда.

Хорижий ҳамкорлар ўз мактубларида Янги Ўзбекистонда амалга оширилаётган сиёсий ўзгаришлар ва ижтимоий-иқтисодий ислохотларни юқори баҳолаб, ўзаро манфаатли ҳамкорликни кенгайтириш ва давлатимизнинг халқаро обрўсини мустаҳкамлашга қаратилган прагматик

ва фаол ташқи сиёсатни ҳар томонлама қўллаб-қувватлашларини таъкидламоқдалар. Иқтисодиёт, ижтимоий соҳа, таълим, маданият, спорт ва бошқа кўплаб йўналишлардаги ютуқлар алоҳида эътироф этилмоқда.

Кўп миллатли Ўзбекистон халқига тинчлик, фаровонлик ва бахт-саодат, янада гуллаб-яшнаш ва тараққиёт тилаклари билдирилмоқда.



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Жаноби Олийлари!

Мустақиллик куни муносабати билан энг самимий табрикларимни изҳор этаман.

Бирлашган Миллатлар Ташкилоти ушбу муҳим кунни нишонлашда Ўзбекистон Республикаси халқининг хурсандчилигига қўйилади.

Бу Барқарор ривожланиш мақсадларини илгари сурш, иқлим инқирозига қарши курашиш ва барча учун имкониятлар ва умидларни кенгайтириш муҳимлигини эслатадиган ноёб фурсатдир.

Тинчлик, барқарор тараққиёт ва барча учун инсон ҳуқуқларини таъминлашга ёрдам берадиган бирдамлик ва умумий қарорлар учун айни пайт.

Ушбу қўтлуғ кунни нишонлар эканмиз, Ўзбекистон Республикаси халқи ва бутун дунёдаги барча инсонлар учун яхши келажақ барпо этиш борасидаги иттилишимиз қатъий эканини яна бир бор тасдиқлаймиз.

Жаноби Олийлари, Сизга бўлган юксак ҳурмат-эҳтиромимни қабул қилгайсиз.

Антониу ГУТЕРРИШ,
Бирлашган Миллатлар Ташкилоти Бош котиби



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Хурматли Шавкат Миромонович!

Ўзбекистон Республикасининг миллий байрами — Мустақиллик куни муносабати билан самимий табрикларимни қабул қилгайсиз. Мамлакатингиз ижтимоий-иқтисодий ривожланиш йўлидан дадил бормоқда, минтақавий кун тартибидеги муҳим масалаларни ҳал этишда фаол иштирок этмоқда, жаҳон майдонида ўз мавқеини мустаҳкамламоқда.

Россия — Ўзбекистон муносабатлари стратегик шериклик ва иттифоқчилик хусусиятига эга. Москва ва Тошкент турли йўналишларда фаол ҳамкорлик, МДҲ, ШҲТ ва бошқа кўп томонлама тузилмалар доирасида самарали мулоқот қилмоқда.

Биргаликдаги сазй-ҳаракатларимиз билан бундан буён ҳам дўст халқларимиз фаровонлиги, Марказий Осиёда хавфсизлик ва барқарорликни мустаҳкамлаш йўлида конструктив икки томонлама алоқаларни изчил ривожлантирамыз, деб ишонаман.

Сизга, ҳурматли Шавкат Миромонович, чин қалбимдан мустаҳкам соғлиқ ва муваффақиятлар, барча юртдошларингизга эса бахт-саодат ва равнақ тилайман.

Хурмат билан,

Владимир ПУТИН,
Россия Федерацияси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Хурматли Президент жаноблари!


Ўзбекистон Республикаси давлат мустақиллигининг 33 йиллиги муносабати билан Сизга ва дўст Ўзбекистон халқига самимий табрикларим ва энг эзгу тилакларимни изҳор этишга ижозат бергайсиз.

Сизнинг раҳбарлигингизда «Ўзбекистон — 2030» стратегияси фаол амалга оширилмоқда, давлат қурилишида самарали натижаларга эришилиб, халқ фаровонлиги кун сайин юксалиб бормоқда. Янги даврга ҳар қандай ҳар томонлама стратегик ҳамкор сифатида Хитой томони бундан мамнун.

Жорий йилнинг январь ойида Пекинда ва июль ойида Остона шаҳрида Сиз билан музокаралар ўтказдик, улар давомида Хитой — Ўзбекистон ҳамкорлиги бўйича кўплаб муҳим келишувларга эришилди ва икки томонлама муносабатларни ривожлантиришнинг янги йўналишлари белгилан олдинди. Ягона тақдирга эга Хитой — Ўзбекистон ҳамжамиятини қуришни янада чуқурлаштириш мақсадида Сиз билан яқин алоқаларни давом эттиришга ва стратегик алоқаларни мустаҳкамлашга тайёрман.

Ўзбекистонга равнақ ва куч-қудрат, халқига эса бахт-саодат ва фаровонлик тилайман.

Си Цзиньпин,
Хитой Халқ Республикаси Раиси



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Хурматли Президент жаноблари!

Қўшма Штатлар халқи номидан Сизга ва Ўзбекистон халқига мамлакатингиз Мустақиллик куни муносабати билан энг эзгу тилакларимизни йўлламоқдаман.

1991 йилда мамлакатингиз мустақиллиги эълон қилинганидан буён Ўзбекистон иқтисодий ривожланиш, ижтимоий тараққиёт ва минтақавий барқарорлик йўлида салмоқли ютуқларга эришди. Ушбу воқеалар мамлакатларимиз ўртасида тобора сермизмун ва жадал стратегик шерикликка олиб келди. Чегара хавфсизлигини мустаҳкамлаш, икки томонлама савдо ҳажмини ошириш ва Ўзбекистоннинг бой маданий меросини муҳофаза қилиш бўйича иш олиб бориш каби умумий мақсадларимизга эришиш йўлида амалга оширган ишларимиздан фахрланаман.

Қўшма Штатлар мавжуд алоқалар мустаҳкамланиши ва ҳамкорлик учун янги имкониятлар очилишини интиқлик билан кўтиб қолади. Сизга мамлакатингиз мустақиллигини шодлик ва қувонч ила ўтказишингизни тилаб қолаймиз.

Хурмат билан,

Жозеф БАЙДЕН,
Америка Қўшма Штатлари Президенти
(Давоми 2, 3-бетларда).



ХОРИЖИЙ ЕТАКЧИЛАРДАН ЎЗБЕКИСТОННИНГ МУСТАҚИЛЛИК БАЙРАМИ МУНОСАБАТИ БИЛАН ТАБРИКЛАР

(Давоми. Бошланиши 1, 2-бетларда).

Сиёсий мулоқотимизнинг жадаллиги, ўзаро ташрифларимиз, учрашувларимиз, яқин ҳамкорлигимиз давлатлараро алоқаларимизни тезлаштириш ва мустаҳкамлашда муҳим аҳамият касб этмоқда.

Хурматли Президент жаноблари, Давлатлараро муносабатларни ривожлантиришда олий даражадаги ташрифларнинг аҳамиятини ҳисобга олиб, Сизни Озарбайжонга давлат ташрифини амалга оширишга тақлиф этаман. Ишончим комилки, Сизнинг ушбу ташрифингиз Озарбайжон ва Ўзбекистон ўртасидаги вақт синовидан ўтган дўстлик ва қардошликни мустаҳкамлашга, иттифоқимизни чуқурлаштиришга, мамлакатларимиз ва бутун минтақамизнинг барқарор ривожланиши ва гуллаб-яшнашига бекиёс ҳисса қўшади.

Сизни тез орада Бokuда кўришга умид қиламиз. Сизга ва оилангизга мустаҳкам соғлиқ, бахт-саодат, масъулиятли ва олижаноб фаолиятингизда янги муваффақиятлар, Ўзбекистон халқига тинчлик ва фаровонлик тилайман.

Хурмат билан,

Илҳом АЛИЕВ,
Озарбайжон Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Хурматли Шавкат Миромонович!
Ўзбекистон Республикасининг Мустақиллик куни муносабати билан самимий табрикларимни қабул қилгайсиз.

Ўзбекистон давлатининг суверен ривожланиш йиллари барқарор иқтисодий ўсиш, кенг кўламли ижтимоий ўзгаришлар ва мамлакатнинг жаҳон миқёсида муносиб эътироф этилишини таъминлаган ёрқин ютуқларга бой бўлди.

Бугун Тошкент конструктив ташаббуслар билан Марказий Осиёда глобал хавфсизлик ва барқарорликни сақлаш тизимига салмоқли ҳисса қўшмоқда.

Халқларимизнинг кўп йиллик дўстлигига асосланган Беларусь — Ўзбекистон муносабатлари ҳам икки томонлама форматда, ҳам халқаро ташкилотлар ва минтақавий бирлашмалар доирасида бундан буён ҳам мустаҳкамланиб боришига ишонаман.

Сизга, хурматли Шавкат Миромонович, мустаҳкам соғлиқ, бахт-саодат, барча режаларингиз амалга ошишини, Ўзбекистон халқига эса бахт-саодат ва раvнақ тилайман.

Хурмат билан,

Александр ЛУКАШЕНКО,
Беларусь Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Президент Жаноблари, кадрли биродарим!
Ўзбекистон Республикасининг Мустақиллик куни муносабати билан Сиз Жаноби Олийларини ва биродар Ўзбек халқини энг самимий талоқларин билан муборакбод этаман.

Мустақил бўлганидан буён ҳар куни тобора тараққий этаётган дўст ва қардош Ўзбекистонда оқилона раҳнамолигингиз орқали ёришилаётган муваффақиятлар ва халқаро майдонда эгалланган нуфузли ўрин Туркия учун ҳам гурур манбаидир.

Муносабатларимизнинг муштарак саъй-ҳаракатларимиз билан икки томонлама даражада ва кўп томонлама платформаларда, жумладан, Туркий давлатлар ташкилотида илдиз отиб бораётганини кўриш бениҳоя мамнуният бахш этади.

2024 йил 6 июнь куни Анкара шахрида ўтказилган Туркия — Ўзбекистон Олий даражали стратегик ҳамкорлик кенгашининг учинчи ййгилишида келишиб олинган масалалар биродарликка таянувчи яқин алоқаларимизни келгусида барқарор тарзда мустаҳкамлашга ишончим комил.

Дўст Ўзбекистонни Мустақиллик байрами билан яна бир бора кутлаб, фурсатдан фойдаланган ҳолда, чин қалбимдан Сиз, Жаноби Олийларига сиҳат-саломатлик, бахт-саодат, қардош Ўзбек халқига омонлик, фаровонлик тилаб қоламан.

Режеп Таййип ЭРДОҒАН,
Туркия Республикаси Президенти

ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Хурматли Президент жаноблари!
Менинг кадрли дўстим!

Ўзбекистон миллий байрами — Мустақиллик куни муносабати билан Сизга ва Ўзбек халқига шахсан ўз номимдан ва Франция халқи номидан энг самимий табрикларимни ҳамда бахт ва фаровонлик тилакларимни йўллашдан бениҳоя мамнунман.

2024 йил ёзи Париж Олимпия ва Паралимпия ўйинлари ўтказилаётган даврда, ўз фаолиги, спорт маҳорати ва ажойиб ўйинлари билан ажралиб турган ўзбекистонлик спортчилар ва мухлисларни катта қувонч билан қабул қилганимиздан беҳад хурсандимиз.

Ўтган йилнинг ноябрь ойида Самарқандда мени ажойиб кутиб олганингиз давоми сифатида шу йил кузда Сизнинг Париж шахрига ташрифингизни интиқлик билан кутаман. Мен мамлакатларимиз ўртасидаги стратегик шерикликни ўрнатишга катта аҳамият бераман. Ушбу улкан марра давлатларимиз ўртасида йирик минтақавий ва халқаро масалалар бўйича яқинлашувни мустаҳкамлаш, хусусан, Бирлашган Миллатлар Ташкилоти низомини ҳурмат қилиш бўйича умумий муносабатимизни мустаҳкамлаш, биз белгилаб олган йирик икки томонлама лойиҳаларни илгари суриш ҳамда таълим, маданият, глобал муаммолар ва хавфсизлик каби муҳим соҳаларда ҳамкорлигимизни чуқурлаштириш имконини беради.

Мамлакатларимизни бирлаштирган алоқаларни янада мустаҳкамлаш борасидаги қатъиятмизга ишоншингизни сўрайман.

Сизни Парижда кутиб олиш шарафидан мамнун бўлишимни таъкидлаб, Сиз, Президент Жаноби Олийларига, чуқур ҳурмат-эҳтиромимни яна бир бор йўллайман.

Дўстона ҳурмат билан,

Эммануэль МАКРОН,
Франция Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Президент Жаноби Олийлари!

Сизни ва бутун Ўзбек халқини Ўзбекистон Республикасининг Мустақиллик куни муносабати билан чин юракдан самимий муборакбод этаман.

Мамлакатларимиз ўртасидаги алоқалар узвий ришталарга эга ва ўзаро ҳамкорликка асосланади. Бу авваламбор, икки томонлама ташрифларнинг фаоллашганида ҳам намоён бўлмоқда. Қарийб бир йил муқаддам Германия ва Марказий Осиё давлатлари ўртасида ўрнатилган стратегик минтақавий шериклик алоқалари орқали мамлакатларимиз ўртасидаги муносабатларимиз янада чуқурлашиб бормоқда.

Хукуматингизнинг ислохотлар йўлини давом эттириш истагингиздан мамнунман ва бу борада Сизга улкан муваффақиятлар тилайман. Германия келгусида ҳам Ўзбекистоннинг олиб бораётган ислохотларда ишончли ҳамкори бўлиб қолади. Барқарор, фаровон ва демократик Ўзбекистон бутун минтақа учун ҳам муҳим аҳамиятга эга.

Сизга энг эзгу тилакларимни, Ўзбек халқига эркинлик, хавфсизлик ва фаровонликдаги осийишта келажак тилайман.

Франк-Вальтер ШТАЙНМайЕР,
Германия Федератив Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Миллий байрамнинг ушбу йиллиги Сизга, Жаноб Президент ва дўст Ўзбек халқига Италия Республикаси номидан ва шахсан ўзимнинг номидан энг яхши табрикларимни етказиш имкониятини бермоқда.

Яқинда Ўзбекистонга ташрифим давомида халқларимизни бирлаштирган самимий дўстлик ришталари мустаҳкамланиб бораётганига гувоҳ бўлганман ва менга кўрсатилган меҳмондўстликнинг ёрқин хотираларини сақлаб келмоқдаман.

Ўзбекистон ва Италия ўртасидаги фаол ҳамкорлик минтақадаги истиқболли алоқаларимизни ҳам кенгайтириш учун асос бўлди. Бунн жорий йил май ойида Римда бўлиб ўтган “Италия — Марказий Осиё” форматада учинчи вазирлар конференцияси тасдиқлади.

Жиддий можаролар ва геосиёсий кескинликлар билан ажралиб турувчи ҳозирги шароитда мамлакатларимиз ўртасидаги ижобий ҳамкорлик тинчлик ва барқарорлик истиқболларини мустаҳкамлашга хизмат қилиши мумкинлигига аминман.

Ушбу ҳис-туйғулар билан мен Сизнинг фаровонлигингиз учун энг илиқ тилакларимни билдирмоқчиман ҳамда уларни Сизнинг меҳрибон турмуш ўртоғингиз ва барча ватандошларингизга юборишдан ҳам мамнунман.

Сержо МАТТАРЕЛЛА,
Италия Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Ассалому алайкум ва раҳматуллоҳи ва баракотуху, Мустақиллик байрами муносабати билан Сиз, Жаноби Олийларига самимий табрик ва эзгу тилакларимизни йўллашдан беҳад мамнунимиз.

Сиз, Жаноби Олийларига сиҳат-саломатлик ва бахт-саодат, қардош Ўзбекистон халқига тинчлик-осойишталик, барқарор тараққиёт ва фаровонлик тилаймиз.

Жаноби Олийлари, Сизга бўлган юксак эҳтиромимни қабул қилгайсиз.

Салмон бин Абдулазиз Ол САУД,
Икки Муқаддас масжид ходими,
Саудия Арабистони Подшоҳи



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Ассалому алайкум ва раҳматуллоҳи ва баракотуху, Сиз, Жаноби Олийларига Ўзбекистон Республикасининг миллий байрами — Мустақиллик куни муносабати билан холис табрик ва эзгу тилакларимни йўллашдан бағоят бахтиёрман.

Фурсатдан фойдаланиб, Сиз, Жаноби Олийларига мустаҳкам соғлиқ ва улкан зафарлар, дўст Ўзбекистон халқига юксалиш ва фаровонлик тилаб қоламан.

Жаноби Олийлари, Сизга бўлган юксак эҳтиромимни қабул қилгайсиз.

Муҳаммад бин Салмон бин Абдулазиз Ол САУД,
Саудия Арабистони Подшоҳлиги валиаҳди,
Вазирлар Маҳкамаси раиси



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Ўзбекистон Республикасининг Мустақиллик куни муносабати билан Сиз, Жаноби Олийларига ўзимнинг энг самимий табрик ва қизгин тилакларимни йўллаш шарафига муяссарлигим мени чексиз қувонтиради.

Сиз, Жаноби Олийларига мустаҳкам соғлиқ, бахт-саодат, дўст Ўзбекистон Республикаси Хукумати ва халқига доимий раvнақ ва тараққиёт тилаб қоламан.

Қамоли эҳтиром ва эзгу тилаклар ила,

Муҳаммад бин Зоид Ол НАҲАЁН,
Бирлашган Араб Амирликлари
Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Мамлакатингиз Мустақиллик куни байрами муносабати билан Сиз ва Ўзбекистон халқига Қатар Давлати халқи ва шахсан ўз номимдан энг самимий табрик ва эзгу тилакларимни йўллашдан мамнунман.

Сиз, Жаноби Олийларига, сиҳат-саломатлик ва бахт-саодат ҳамда Ўзбекистон халқига фаровонлик ва доимий тараққиёт, шунингдек, келгусида мамлакатларимиз ўртасидаги дўстона муносабатлар янада мустаҳкамланиб боришини тилаб қоламан.

Юксак эҳтиром ила,

Шайх Тамим бин Ҳамад Ол СОНИЙ,
Қатар Давлати Амири



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Жаноби Олийлари!
Мамлакатингиз Мустақиллигининг 33 йиллиги муносабати билан Ҳиндистон ҳукумати, халқи ва ўз номидан Сиз, Жаноби Олийларига, Ўзбекистон ҳукумати ва халқига самимий табрик ва эзгу тилакларимни йўллайман.

Ўзбекистон ва Ҳиндистон ўртасидаги тарихий, маданий ва маънавий яқинлик стратегик шериклигимиз учун мустаҳкам пойдевор бўлиб хизмат қилмоқда. Тарихий алоқага эга бўлган иккита қадимий цивилизация сифатида биз тинч, барқарор ва фаровон дунё ҳақида муштарак тасаввурга эгамиз. Изчил ҳамкорлигимиз умумий муаммоларни ҳал этишда муҳим аҳамият касб этмоқда. Ишончимиз комилки, бизнинг ҳамкорлигимиз ўсишда ва ривожланишда давом этади ва халқларимиз манфаатларига хизмат қилади.

Фурсатдан фойдаланиб, Сиз, Жаноби Олийларига, сиҳат-саломатлик ва фаровонлик ҳамда Ўзбекистон халқига тинчлик, тараққиёт ва тотувлик тилаб қоламан.

Жаноби Олийлари, Сизга бўлган юксак эҳтиромларимни қабул қилгайсиз.

Драупади МУРМУ,
Ҳиндистон Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Жаноби Олийлари!
Азиз биродарим!
Ҳиндистон халқи ва ҳукумати номидан Сизга ва Ўзбекистон халқига Мустақиллик куни муносабати билан самимий табрикларим ва энг эзгу тилакларимни қабул қилгайсиз.

Ушбу қутлуғ айёмда халқларимиз ўртасидаги чуқур ва яқин дўстлик ришталарини ёдга оламиз. Ҳиндистон ва Ўзбекистонни бой тарих ва ранг-баранг маданиятга эга бўлган икки халқ ўртасидаги дўстлик ришталарига асосланган мустаҳкам шериклик узоқ йиллардан буён боғлаб келмоқда.

Кейинги йилларда ҳамкорлигимиз барча соҳаларда сезиларли даражада кенгайди. Биз “Ҳиндистон — Марказий Осиё” саммити ва Шанхай ҳамкорлик ташкилоти каби кўп томонлама платформалар доирасида яқиндан ҳамкорлик қилиб келмоқдамиз.

Биз икки томонлама шерикликни янада юқори босқичга кўтариш учун ҳамкорлигимизни давом эттириш ва мустаҳкамлашга қатъий қарор қилдик.

Ушбу қутлуғ айёмда Сизга мустаҳкам соғлиқ ва фаровонлик, дўст Ўзбекистон халқига эса бундан-да зиёда тараққиёт ва раvнақ тилайман.

Жаноби Олийлари, Сизга бўлган юксак эҳтиромимни қабул қилгайсиз.

Нарендра МОДИ,
Ҳиндистон Республикаси Бош вазири



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Ўзбекистон Республикаси Мустақиллиги куни муносабати билан Сиз Жаноби Олийларига ва дўст Ўзбек халқига самимий табрикларимни, юртингизга эса янада тараққиёт ва фаровонлик тилаш менга катта мамнуният бахш этади.

Миср ва Ўзбекистон йиллар давомида ривожланиб келаётган ажойиб дўстона ва ҳамжиҳатлик ришталари билан ажралиб туради. Икки дўст халқларимиз фаровонлиги йўлида мавжуд имкониятлардан фойдаланиш ва ўзаро ҳамкорлигимизни давом эттиришга умид қиламан.

Энг юксак ҳурмат-эҳтиромимни билдирган ҳолда, жаноб Президент, менинг салоомларимни ҳамда дўст Ўзбекистон халқига самимий тилакларимни қабул қилгайсиз.

Абдулфаттоҳ ас-СИСИ,
Миср Араб Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Ўзбекистон Республикаси Мустақиллик куни кириб келиши муносабати билан Сиз Жаноби Олийлари ҳамда дўст ва биродар Ўзбекистон халқини самимий табриклашга ижозат бергайсиз.

Икки мамлакатнинг ўзаро ҳурматга асосланган муносабатлари янада мустаҳкамланишига ишонаман. Кўшнн ва минтақа давлатлари, хусусан, Ўзбекистон Республикаси билан ҳамкорлик алоқаларини ривожлантириш Эрон Ислом Республикаси янги Хукумати ташки сибсатининг устувор вазифаларидан бири ҳисобланади.

Аллоҳ таолодан Сиз Жаноби Олийларига саломатлик ва муваффақиятлар, Ўзбекистон Республикаси халқига эса бахт-саодат ва фаровонлик сўраб қоламан.

Масъуд ПЕЗЕШКИЁН,
Эрон Ислом Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Муҳтарам Президент жаноблари!

Сизга ва Ўзбекистон Республикаси халқига Мустақиллик куни муносабати билан самимий табрикларимни қабул қилгайсиз.

Умид қиламанки, июнь ойида гўзал мамлакатингизга амалга оширган давлат ташрифим мамлакатларимиз ўртасида ўтган йиллар давомида барпо этилган алоҳида стратегик шерикликни янада ривожлантиришга, шунингдек, халқларимиз ўртасидаги алмашинув ва дўстликни мустаҳкамлашга туртки беради.

Сизга чин қалбимдан мустаҳкам соғлиқ ва бахт-саодат, Ўзбекистон Республикасига эса узлуксиз раvнақ тилайман.

Хурмат билан,

Юн Сок ЁЛЬ,
Корея Республикаси Президенти



ЎЗБЕКИСТОН
РЕСПУБЛИКАСИ
ПРЕЗИДЕНТИ
ШАВКАТ МИРЗИЁЕВ
ЖАНОБИ
ОЛИЙЛАРИГА

Муҳтарам Президент жаноблари!

Ўзбекистоннинг миллий байрами — Мустақиллик куни муносабати билан Сизга энг самимий табрикларимни изҳор этишга ижозат бергайсиз.

Венгрия ва Ўзбекистон ўртасидаги азалий дўстлик сўнгги йилларда ҳар томонлама ва муваффақиятли стратегик шерикликка айланиб бораётганидан мамнунман. Ишончим комилки, биргаликдаги саъй-ҳаракатларимиз ўзаро манфаатли ҳамкорликни чуқурлаштиришга олиб келади.

Сизни ишонтириб айтаманки, менинг ҳукуматим юқори даражадаги стратегик мулоқотни давом эттириш ҳамда ҳурмат ва ишончга асосланган муносабатларни янада ривожлантиришга содиқдир.

Масъулиятли фаолиятингизда муваффақиятлар ва сиҳат-саломатлик тилайман!

Самимият билан,

Виктор ОРБАН,
Венгрия Бош вазири

Қуйидагилар ҳам ўз табрикларини йўллаган:

Япония Императори **Нарухито**,
Буюк Британия ва Шимолий Ирландия Бирлашган Қиролиги Қироли **Чарльз III**,
Иордания Подшоҳи **Абдулла II**,
Ўмон Султони **Ҳайсам бин Торик Ол Саид**,
Марокаш Подшоҳи **Муҳаммад VI**,
Бельгияликлар Қироли **Филипп**,
Испания Қироли **Филипп VI**,
Швеция Қироли **Карл XVI Густав**,
Грузия Президенти **Саломе Зурабишвили**,
Болгария Республикаси Президенти **Румен Радев**,
Латвия Республикаси Президенти **Эдгарс Ринкевичс**,
Мальта Республикаси Президенти **Мириам Спиттери Дебона**,
Польша Республикаси Президенти **Анжей Дуда**,
Руминия Президенти **Клаус Вернер Йоханнис**,
Сербия Республикаси Президенти **Александр Вучич**,
Словакия Республикаси Президенти **Петер Пеллегрини**,
Финляндия Республикаси Президенти **Александр Стубб**,
Чехия Республикаси Президенти **Петр Павел**,
Швейцария Конфедерацияси Президенти **Виола Амхерд**,
Эстония Республикаси Президенти **Алар Карис**,
Тайланд Подшоҳи **Маха Вачиралонгкорн**,
Вьетнам Социалистик Республикаси Президенти **То Лам**,
Индонезия Республикаси Президенти **Жоко Видодо**,
Непал Федератив Демократик Республикаси Президенти **Рамчандра Паудел**,
Сингапур Республикаси Президенти **Тарман Шанмугаратнам**,
Филиппин Республикаси Президенти **Фердинанд Маркос**,
Шри-Ланка Демократик Социалистик Республикаси Президенти **Ранил Викремесингхе**,
Жазоир Халқ Демократик Республикаси Президенти **Абдулмажид Теббун**,
Сурия Араб Республикаси Президенти **Башар ал-Асад**,
Фаластин Давлати Президенти **Маҳмуд Аббос**,
Бирлашган Араб Амирликлари Вице-президенти, Бош вазири, Дубай амирлиги ҳокими **Шайх Муҳаммад бин Рошид Ол Мактум**,

Бирлашган Араб Амирликлари Вице-президенти, Бош вазири ўринбосари, Президент Девони раиси **Шайх Мансур бин Зоид Ол Наҳаён**,
Бирлашган Араб Амирликлари Бош вазири ўринбосари, ички ишлар вазири **Шайх Сайф бин Зоид Ол Наҳаён**,
Қатар Давлат Амири ўринбосари **Шайх Абдулла бин Ҳамад Ол Соний**,
Канада Генерал-губернатори **Мэри Мэй Саймон**,
Сан-Марино Республикаси Капитан-регентлари **Алессандро Росси** ва **Милена Гасперони**,
Рим-католик черкови раҳбари **Франциск**,
Шанхай ҳамкорлик ташкилоти бош котиби **Чжан Мин**,
Туркий давлатлар ташкилоти бош котиби **Кубаничбек О**

